

**LJEKARSKA/LIJEČNIČKA KOMORA
FEDERACIJE BOSNE I HERCEGOVINE**

PRAVILNIK O OBLIKU I IZGLEDU PEČATA DOKTORA MEDICINE

Sarajevo, 15.11. 2025. godine

Na osnovu člana 221. stav 6. tačka 6. Zakona o zdravstvenoj zaštiti („Službene novine FBiH“ broj 46/10 i broj 75/13), člana 13. tačka 23., a u vezi sa članom 23. stav 1. tačka 3. Statuta Ljekarske/Liječničke komore FBiH, Skupština Ljekarske/Liječničke komore FBiH na sjednici održanoj dana 15.11.2025. godine, a na osnovu Odluke Upravnog odbora Ljekarske/Liječničke komore FBiH br.01-71/25 od 16.06.2025. godine, usvojila je slijedeći

PRAVILNIK O OBLIKU I IZGLEDU PEČATA DOKTORA MEDICINE

Član 1.

Ovim Pravilnikom uređuje se oblik, izgled, dimenzije i sadržaj pečata doktora medicine na području Federacije Bosne i Hercegovine koje koristi u vršenju poslova iz svoje profesionalne djelatnosti, kao i njegova upotreba, čuvanje i uništavanje, sukladno odredbama Zakona o pečatima Federacije Bosne i Hercegovine

Član 2.

Pečatom se utvrđuje autentičnost materijalne isprave ili drugog akta kojim doktor medicine odlučuje ili službeno opšti sa pacijentima, nadležnim organima i pravnim licima.

Član 3.

Pečat doktora medicine može biti okruglog oblika promjera 30 mm (Printer R30) ili pravokutnog oblika (Printer 30), sa najviše 5 (pet) redova teksta .

Boja otiska pečata mora biti crna ili plava.

Pečat sadrži tekst napisan na jednom od službenih jezika u ravnopravnoj upotrebi u Bosni i Hercegovini i to bosanskom, hrvatskom i srpskom jeziku, latiničnim i/ili ćiriličnim pismom.

Prijedlog izgleda i sadržaja pečata sadržan je u Aneksu I koji je sastavni dio ovog Pravilnika.

Član 4.

Pečat doktora medicine smije sadržavati isključivo samo :

- Ime i prezime doktora medicine;
- Skraćenicu titule i akademskog zvanja (ukoliko postoji)
- Zvanje stečeno nakon specijalizacije/subspecijalizacije (ukoliko postoji);
- Šifru doktora medicine dodjeljenu od strane ZZO-a (ukoliko je ista dodijeljena) .

Pečat smije sadržavati samo podatke koji su upisani u trenutno važećem Odobrenju za samostalan rad doktora medicine – Licenci, koje odobrenje odnosno Licencu je doktor medicine dužan dostaviti ovlaštenom pečatorescu prilikom podnošenja zahtjeva za izradu pečata.

Član 5.

Pečat mora biti izrađen od kvalitetnog materijala, sa jasno ugraviranim podacima.

Član 6.

Zabranjeno je korištenje neovlaštenih pečata ili modifikacija koje odstupaju od propisanih normi.

Član 7.

Pečat doktora medicine se ne može upotrebljavati ukoliko je oštećen ili svojim izgledom nepodoban za upotrebu i kao takav će se povući iz upotrebe.

Član 8.

Pečatom može rukovoditi i upotrebljavati ga samo ovlaštenu doktor medicine na kojeg se pečat odnosi i isti ne može ovlastiti drugo lice da čuva ili upotrebljava pečat.

Član 9.

Pečat se čuva na sigurnom mjestu.

U slučaju gubitka pečata, doktor medicine je dužan odmah i bez odlaganja obavijestiti nadležnu policijsku upravu prema mjesnoj nadležnosti liječničke komore koja je izdala Odobrenje za samostalan rad – Licencu ili mjestu gubitka pečata i poduzeti odgovarajuće korake u cilju sprječavanja zloupotrebe izgubljenog pečata, dok u slučaju kasnijeg pronalaska istog, taj pečat se uništava.

Novi pečat koji će se izraditi umjesto nestalnog pečata mora biti posebno označen.

Član 10.

Pečat koji je zbog istrošenosti ili zbog drugih razloga postao neupotrebljiv, kao i slučaju promjene činjenica upisanih u Odobrenju za samostalan rad - Licenci, mora se odmah uništiti, o čemu se stara ovlaštenu doktor medicine.

Smatra se da je pečat zbog istrošenosti neupotrebljiv ako se iz otiska jasno ne vidi tekst koji treba da je otisak pečata.

Član 11.


Ovaj Pravilnik stupa na snagu osmog dana od dana objavljivanja na web stranici Ljekarske/Liječničke komore FBiH www.fmcbih.ba.

Član 12.

Autentično tumačenje ovog Pravilnika daje Upravni odbor Ljekarske/Liječničke komore FBiH

Sarajevo, 15.11.2025. godine
Broj: 01-127/25

Zamjenik predsjednik Skupštine
dr. Damir Baždarević



ANEKS I

PRAVOPISNI POREDAK I OBLIK SKRAĆENICA AKADEMSKIH I STRUČNIH TITULA U MEDICINSKOJ STRUCI

Pravopisno i jezičko tumačenje Filozofskog fakulteta Univerziteta u Tuzli, Odsjeka za bosanski jezik i književnost od 29.10.2025. godine, u skladu s preporukama iz Pravopisa bosanskoga jezika (Halilović, S. 2017) i Bosanskog pravopisa (Bulić, R. 2022):

1. Ispravan oblik i skraćenice

Naziv	Ispravna skraćenica	Napomena
Profesor	prof.	ako je u naučno-nastavnom zvanju
doktor nauka	dr. sc.	skraćuje se od doctor scientiae (ne „dr. sci.“)
Magistar	MA ili mr.	Magister (lat)
primarijus	prim.	profesionalno priznanje
doktor medicine	dr. med.	završeni medicinski fakultet
specijalista	spec.	npr. spec. porodične medicine
subspecijalista	subspec.	npr. subspec. gastroenterohepatologije

2. Redoslijed titula

Prema pravopisnim pravilima ova dva pravopisa, skraćenice naučnih titula pišu se ispred imena;

skraćenice koje označavaju struku pišu se uz skraćenice dr. i mr.; skraćenice za naučno-nastavna

zvanja pišu se iza imena i prezimena i odvajaju se zarezom; za univerzitetske profesorice i profesore skraćenica prof. dr. piše se ispred imena i prezimena; skraćenice za stručna zvanja i zanimanja pišu se iza imena i prezimena i odvajaju se zarezom.

NAPOMENA: Suvišno je nizati skraćenice različitih nivoa i značenja: npr. umjesto akad. prof.dr. Ime i Prezime dostatno je navesti samo najvišu titulu – akad. Ime i Prezime.

Aneks II

Проф. др. мед. сц. прим. Име и Презиме
др. мед., спец. породиЧне/обителЉске
медицине, спец. интерне медицине,
субспец. гастроентерохепатологије
ШИФРА ЗЗО 04 *****

Prof. dr. med. sc. prim. Ime i Prezime
dr. med., spec. porodične/obiteljske
medicine, spec. interne medicine,
subspec. gastroenterohepatologije
ŠIFRA ZZO 04 *****

Проф. др. мед. сц. прим. Име и Презиме
др. мед., спец. породиЧне/обителЉске
медицине, спец. интерне медицине,
субспец. гастроентерохепатологије
ШИФРА ЗЗО 04 *****

Prof. dr. med. sc. prim. Ime i Prezime
dr. med., spec. porodične/obiteljske
medicine, spec. interne medicine,
subspec. gastroenterohepatologije
ŠIFRA ZZO 04 *****

